

Broj: 03-02-265/2014  
Sarajevo, 14.04.2014. godine

Bosna i Hercegovina  
FEDERACIJA BOSNE I HERCEGOVINE  
PARLAMENT FEDERACIJE BOSNE I HERCEGOVINE  
DOM NARODA  
SARAJEVO

PARLAMENT FEDERACIJE  
BOSNE I HERCEGOVINE

- Predstavnički dom -  
gosp. Tomo Vidović, potpredsjedavajući

Primljeno: 14-04-2014			
Org. jed.	Broj	Priloga	Vrijednost
02 - 02	-	271	14, 40x

**PREDMET: Mišljenje Vlade Federacije Bosne i Hercegovine**

Poštovani,

U skladu sa članom IV. B. 7. C) (III) Ustava Federacije BiH a u vezi sa članom 165. stav 4. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07 i 2/08), u prilogu Vam dostavljam **Mišljenje Vlade Federacije Bosne i Hercegovine na Prijedlog zakona o izmjeni Zakona o prekršajima - skraćeni postupak, čiji je predlagač Nasir Beganović, poslanik u Predstavničkom domu Parlamenta Federacije BiH.**

Gore navedeno Mišljenje Vlada Federacije Bosne i Hercegovine je utvrdila na 109. sjednici, održanoj 09.04.2014. godine.

S poštovanjem,

**PREMIJER**  
**Nermin Nikšić**

**Co: - Dom naroda -  
gosp. Tomislav Martinović, predsjedavajući**

Na osnovu člana 51. Poslovnika o radu Vlade Federacije Bosne i Hercegovine - Prečišćeni tekst - („Službene novine Federacije BiH“, br. 6/10, 37/10 i 62/10), a u vezi sa članom 165. stav 4. Poslovnika Predstavničkog doma Parlamenta Federacije BiH ("Službene novine Federacije BiH", br. 69/07 i 2/08), nakon razmatranja Prijedloga zakona o izmjeni Zakona o prekršajima - skraćeni postupak, čiji je predlagač Nasir Beganović, poslanik u Predstavničkom domu Parlamenta Federacije BiH, Vlada Federacije Bosne i Hercegovine je, na 109. sjednici održanoj 09.04.2014. godine, utvrdila sljedeće:

### MIŠLJENJE

Razmatrajući Prijedlog zakona o izmjeni Zakona o prekršajima koji je radi razmatranja podnio Nasir Beganović, poslanik u Predstavničkom domu Parlamenta Federacije BiH, utvrđeno je da se istim vrši intervencija na članu 35. stav 3. Zakona o prekršajima na način da se riječi: „predao na poštu“ zamijenjuju riječima: „urudio okrivljenom“. Pored navedenog, uvidom u obrazloženje predloženog zakona utvrđeno je da se predlagač poziva na ostvarenje ljudskih prava, posebno prava na pravni lijek garantovanog Evropskom konvencijom o zaštiti ljudskih prava i osnovnih sloboda (član 13.) i učešće stranke u postupku kada bi se rok računao od dana uručenja prekršajnog naloga okrivljenom.

Međutim, prilikom razmatranja važećeg Zakona o prekršajima („Službene novine Federacije BiH“, broj 31/06) utvrđeno je da isti sadrži odredbe kojima se osigurava učešće stranke u postupku i pravo na pravni lijek i to kroz primjenu odredbi člana 70. Prijedlog za povrat u pređašnje stanje. Naime, odredbom člana 70. Zakona osiguran je mehanizam ostvarivanja ljudskih prava garantovanih Evropskom konvencijom o zaštiti ljudskih prava i osnovnih sloboda kroz učešće stranke u postupku. Naime, navedeni mehanizam osiguran je kroz institut prijedloga za povrat u pređašnje stanje i to pod uvjetima propisanih stavom 2. navedene odredbe. Navedena odredba sadrži zakonsko rješenje kojim se predviđa da će Sud uvažiti prijedlog za povrat u pređašnje stanje ako okrivljeni može dokazati da mu nije uručen prekršajni nalog, ili zahtjev za pokretanje prekršajnog postupka i da je propuštanje pojavljivanja, ili blagovremenog postupanja nastalo iz opravdanih razloga.

Imajući u vidu da važeći zakon sadrži mehanizme ostvarenja i zaštite navedenih ljudskih prava, Vlada Federacije Bosne i Hercegovine ne može podržati navedeni prijedlog zakona.

V. broj: 594/2014

09.04.2014. godine

Sarajevo

